

甬江赋

文/桂维诚

滔滔甬江，聚百川而注东海；汤汤春水，望三山而通五洋。追流溯源，纵横百里；抚今忆昔，沧桑千年。南眺奉化江，其与西来之鄞江相会，蜿蜒北上，流入明州；西望余姚江，其出四明而汇慈江，径流向东，滚滚而来。双江聚首，千帆竞发；甬江入海，百舸争流。

甬江古称大浹江，其干流自三江口至镇海大小游山，凡五十余里。上溯六千年，海水初回，至明州之东，今之三官堂乃入海口；四千年前，海岸渐退，而至镇海以东也。先民始建江堤，以御海潮，初为土塘，蜿蜒于两岸，以潮高流急而后改筑石塘也。远帆连海气，近村伴寒宵；潇潇风雨暮，荒江正起潮。

吾祖世代居于浹江之畔，卜居北岸，地处中游，西眺三江口，东瞰拗猛江。拗猛江者，因江流至此，曲折汹涌，水势急湍而得名也。昔时江阔浪高，蒹葭苍苍；潮涨潮落，群鹭掠波。至乾隆年间，先祖迁徙至此，筑堤屯垦，围田引水，灌溉斥卤，遂成良田，自是乐业安居于此也。十里膏壤，稻花飘香，江畔苇林，白鹭翔集，故有鹭林之谓也。诗云：风细一帆悬，潮平坐放船；乡心上村雨，客梦接江天；迢递川程远，苍茫夜色连；家山长入望，太白最高巅。

甬江自古为浙东漕粮海运之水道，且连通海上丝绸之路也。自唐以降，商贸日盛，海运往来，通商东邻，直抵南洋。北宋年间，招宝

山下，舟楫辐辏，万斛神舟，远航海外。甬城自晚清辟为通商口岸，三江口建成庆安会馆，江北岸引来洋人集聚，门户开放，西风东渐，遂得风气之先矣。

遥想当年，战事频仍；英雄已逝，岁月如歌。兵家必争地，铁血铸雄关；四抗^①著青史，万古流芬芳。江山巍巍，慕百年嘯喏豪杰；流水悠悠，笑几多落马敌酋。江上桨声夕阳斜，闲倚篷窗数落霞；夕照晚霞映帆影，落日余辉望天涯。深秋寒霜染枫叶，初暮晚风吹残灯；千古荣辱休漫嗟，百代兴衰笑谈中。忆往昔，一盏浊酒酹江月；看今朝，八桥横贯^②气如虹。

青山依旧，碧水长流，夫江河者，脉通千秋，气蕴万象；居天地者，雄视乾坤，融会阴阳。滔滔兮江海奔涌，浩浩乎日月其长。不拒细流而广纳，志在沧海以远航。流急水深，写意于碧波白浪；天高江阔，抒怀以云彩霞光。呼啸叱咤，执锐披坚，不失勇者之志；九曲回肠，温婉隐忍，永葆仁者之怀。故申大义，著鸿章，知白守黑，机变明理；吟风弄月，行止有道；君子当静若山岳，行如江川也。

壮哉，甬江！美哉，母亲河！五水共治，一路春风扬征帆；万里逐梦，满目朝阳唱大风；看大江东去，不废江河万古流！

【注】①四抗：指甬江两岸人民近代以来倭、抗英、抗法、抗日的英勇斗争。②八桥横贯：甬江上现有甬江大桥、外滩大桥、庆丰桥、中兴大桥（将通车）、三官堂大桥（将通车）、明州大桥、清水浦大桥、招宝山大桥等八座跨江大桥。

〔附记〕此赋原载《宁波晚报》2014年7月15日。是年6月22日中国大运河申遗成功，浙东运河段流入母亲河甬江，滔滔东去归大海，由此开启海丝之路，尽显江海气派！作者有感而作《甬江赋》，本公号现予推送，以纪念中国大运河申遗成功六周年。